

ca, Apis  
notas, &  
Chame-  
leon.

*TIVM, & PRIMOGENITRIX NOSTRA*, trium  
*Signorum à Recentioribus* formatorum, nempe *Apis Indica*,  
*Apis Nostratis*, & *Chameleonis* sedes sibi arrogat, ac 24  
Stellis suam *Constellationem* conspiciendam exhibet.

LIII. Abel.  
Piscis vo-  
lans, Dora-  
do, & Nu-  
bcula Ma-  
jor.

LIII. *ABEL IVSTVS* dextrâ Holocausti aram,  
& sinistram maxillam tenens, quâ intersectus est à *Caino*  
fratre, *Constellationem* possidet 16. Stellarum, quæ in  
*Piscis Volantis*; *Dorado* sive *Piscis Aurati*, & *Nubecula Ma-*  
*ioris* loca se contulit.

XL. Arca  
Noë.  
Argo Na-  
vis.

XL. *ARCA NOE*, sive *NOACHI PATRIAR-*  
*CHÆ* 58. Stellarum *Asterismo*, conspicitur eo in loco, in  
quo *Argo Navis*, in *Argonautica Navigationis* memoriam,  
collocata esse, *Poëtarum* fabulis perhibetur.

XXXVIII.

XXXVIII. *DAVID S. REX & PROPHETA*

in *Cælo Stellato Christiano* est *Asterismus* ille, qui in *Ahero* David Rex,  
*Canis Major* appellari solet, & hîc 20. Stellis in conspe-  
ctum prodit. Illustria *Sandtorum Prophetarum* lumina, u-  
nici quidem *Psalmistæ Regis* commemoratione, in hoc *Ca-*  
*noris Majoris Asterismo* representare, partim penuria *Side-*  
*rum* adegit, partim etiam eminentissimus *Syrii* fulgor per-  
suasit. Quo quidem loco recolli, mansuetissimus ille, ac  
fidelissimus *Deo David* non dedignabitur, cum & ipse eò  
humilitatis, ut se mortuo cani compararet, prior descen-  
derit, neque etiam pestilentes *Syrii* radios calumnian-  
tibus negaturus sit, suo quondam peccato, venenata con-  
tagia *Populorum* invasisse.

Hactenus *Asterismus* in *Priore* sive *Anteriore Hemisphærio*  
comprehensorum *Descriptio* ex ipsius *Schilleri Opere* petita.

